

**DE FUNDATIONE,
FATIS, ANTIQUITATE
ET REFORMATIONE
MONASTERII
LAURACENSIS. - ...**

Christophorus Matthaeus Pfaff

148961-B

101

137. B. 208.

CHRISTOPH MATTHÆI
PFAFFII,

SACRI CÆSAREI PALATII COMITIS,
S. THEOL. DOCTORIS & PROFESSORIS PRIMARIJ,
CANCELLARIJ & PRÆPOSITI TUBINGENSIS,
ABBATIS ITEM LAUREACENSIS

O R A T I O

D E

FUNDATIONE, FATIS,
ANTIQUITATE & REFOR-
MATIONE

MONASTERII
LAUREACENSIS,

Tubingæ d. XII. Maji A. MDCCXXVIII.

in Aula Novâ publicè recitata,

cum

Amplissimi Ordinis Philosophici

DECANO Spectatissimo

facultatem largiretur,

XLI. PHILOSOPHIÆ CANDIDATOS

in

MAGISTROS & DOCTORES

BONARUM ARTIUM

CREANDI.

TUBINGÆ

imprimebat GEORGIUS FRIDERICUS PFLICKE.

A. 1728.

THE UNIVERSITY OF CHICAGO

LIBRARY



L. S.



Uti ante hoc sexennium Orationem in actu Magisterii publico de Egoismo; novâ philosophicâ hæresi habitam prælo commisi, aliam jam de fundatione, factis, antiquitatibus & Reformatione Monasterii Laureacensis publicæ luci committo. Eo enim loco, quicquid ad historiam patriæ, maximè Ecclesiasticam, pertinet, habeo, ut, quæ heic dici possunt, egregia, omnibus cognita esse vellem. Exhibeo itaque tibi, lector benevole, hanc ipsam orationem, notis meis illustratam, longè futuris prolixioribus, si excurrere heic, & quæ ab autoribus scripta sunt, dare omnia voluisssem. Si plura anhela-veris, illos, quos nomino, facili studio adibis. Quod restat, & hæc ipsa, licet le-vidensia, æqui bonique velim consulas. Dedi è Museo d. 13. Maji A. 1728.



Dilecti mihi, de quonam
argumento in solenni hâc
panegyri verba ad vos face-
rem, *Auditores omnium or-
dinum honoratissimi*, in men-
tem venit, de Monasterio
Laureacensi (a), cujus Abbas haud ita
pri-

- (a) Monasterium hoc unum est ex illis, quæ ad Se-
renissimos Wirtembergiæ Duces spectant & quo-
rum possessio in pacificatione Religiosa & West-
phalicâ lisdem confirmata fuit. Situm est in col-
le, inter Gamundiam & Schorndorfium, supra
Ræmsiam vallem, quam Ræmsa amnis interluit, &
ab adjacente hâc in valle pago *Lorch* nomen trahit.
Differt à Laureaco, civitate quondam Noricâ,
vico hodie à torrente *Laurbach* vel *Lorbach*, quo
alluitur, ita nuncupato, Archiepiscopatus Passavium
deinceps translatus olim sede, de quâ autores qui
scripsere, luculenter recenset J. F. Pfeffingerus in
Vitriario illustrato L. 1. tit. 15. p. 1232. sqq. queis
velim addas Hieronymi Pez, Monachi Benedicti-
ni Mellicensis Scriptores rerum Austriacarum T.
1. f. 1295. sqq. ubi chronicon Laureacensium &
Pataviensium Pontificum à Bernardo Norico, Cœ-
nobitâ Cremisaniensi Ord. S. Benedicti conscriptum
è codice Waldhusiensi exhibetur. Jacet hic vicus
ad Danubii & Anasis confluentes sub mœnibus op-
pidi Ens, infra Lentiam, duodecimo à Patavio sive
Passaviâ milliari. Nec minus differt ab alio Mona-
sterio Laureacensi, quod & antiquis aliâs *Laures-
bam*,

pridem constitutus fui & quod his ipsis diebus primâ vice adii , deque Monasterii hujus antiquitate , fatis & reformatione pauca differere. Nec alienum sanè aut incongruum vobisve, *Auditores optimi*, indignum hoc orationis nostræ argumentum est. Qui enim aliâs omnem historiam ejusque scientiam accuratiorem adamamus & exosculamur novimusque fructus amplissimos in omne literarum genus inde redundantes, plurimum peccaturi essemus , si in historiâ domesticâ & patriâ , ad quam historia Monasteriorum quoque nostrorum quàm maxime spectat , hospites, ea ignorarcimus, quæ præ pedibus jacent. Fuit verò Laureacum

A 3

anti-

ham , *Lawresheim*, *Lawrissenfe*, vulgari verò appellatione *Lorsch* dicitur, quatuor ab Heidelbergâ miliaribus distans, cujus antiquitates edidit Georgius Helwichius, Chronicon verò, quod Laurishamense dicitur, primus edidit Marquardus Freherus. Confer Scriptores rerum Germanicarum Freherianos à cel. Struvio denuò luci datos T. 1. f. 83. sqq. Ita habentur quoque in Hispaniâ & Galliâ vici, nomen istud latinum ferentes. Mirum est, Monasterium Laurishamense cum Laureacensi nostro confundi ab Arnoldo Henrico de Trefkow in diss. de rebus gestis Conradi III. §. 12. p. 55. 56.

antiqua Ducum Sueviæ sedes jam inde à Pipini Regis Franciæ temporibus , quam circa A. C. 755. Marfilius Dux Sueviæ tenuisse & hoc ipso loco mortuus & sepultus fuisse existimatur (b). Nomen trahit à lauris , quarum heic magna olim perhibetur crevisse copia. Id certum , sedem hanc fuisse Ducum Suevicorum , qui Imperatores olim Suevos nobis dedere. Castrum profectò fuit Friderici, Baronis in Weiblingen & Hohen-Stauffen , primi ex hac familiâ oriundi Sueviæ Ducis , qui Henrici IV. Imperatoris filiam Agnetem in matrimonio habuit. ~~Hic cum uxore A. 1102. con-~~
bium hoc fundavit (c) Monachosque Benedictinos in illud immisit , additis præstantissimis privilegiis , quæ ab Innocentio II. Pontificè Romano , Friderico I. Barbarossâ , Henrico VI. Friderico II. aliisque Imperatoribus

(b) Vide Martini Crusii Annales Suevicos P. 2. L. 9. C. 2. f. 307. & in libro paraleip. f. 54.

(c) Diploma foundationis existat apud Crusium in Analibus Suevicis P. 2. L. 9. C. 2. f. 308. Besoldum in documentis redivivis Monasteriorum Wirtembergicorum , edit. Tubing. p. 713. sqq. & Vindobonensis f. 441. sqq. & Francisci Petri Sueviâ Ecclesiasticâ f. 536. sqq.

ribus fuere confirmata & aucta (d). Ipse Fundator Fridericus in templo Monasterii sepultus fuit , cum uxore Agnete , fratribus item Walthero & Ludovico , filiis quoque Friderico coclite sive lusco , ejusdemque uxore Judithâ , Ducissâ Bavariæ , Friderici I. Barbarossæ Parentibus , & Conrado III. Imperatore , veritatem rei perhibente sequente epitaphio Germanico , cujus verba adhuc leguntur :

A. D. MCII. ward diß Closter gestift.

Hier ligt begraben

Herzog Friderich von Schwaben.

Er und syne Kind,

Diß Closters Stifter sind,

Syne Nachkömmling ligen auch hiby,

Gott ihnen allen gnädig sy. (e)

Facile itaque jam illa historicorum lis deciditur , qui de loco sepulturæ Conradi III. Imperatoris dissentiunt. Sunt enim , qui Spiræ (f) , sunt & , qui Babenberga

(d) Exhibent illa autores modo citati , locis citatis.

(e) Confer Crusii Annales Suev. P. 3. L. 12. C. 35. f. 818.

(f) Ita Otto de S. Blasio C. 4. appendicis ad Chronicon Otto-

gæ vel Bambergæ (g) , sunt , qui Eberaci

Ottonis Frisingensis p. 198. *Conradus Rex moritur, eodem scilicet anno, quo hospitatus est in civitate Friburgensi, Spiram deportatus exequiis regalibus sepelitur, anno regni sui 15.* Ita & Auctor compilationis Chronologicæ seu Chronici S. Ægidii in Brunsvic. T. I. Pistoriano p. 737. & T. III. Leibnitiano p. 585. *Conradus sepultus quiescit in Spirâ.* Eandem in sententiam ferè eunt quoque Lehmannus in Chronico Spirensi L. 5. C. 49. p. 493. & Heineccius antiqui. Goslar. L. 2. ad A. 1152.

- (g) Sic refert Otto Frisingensis, frater Conradi III. uterinus L. 1. de gestis Friderici I. C. 63. *Volentibus familiaribus suis juxta Ejus, ut asserebant, petitionem Eum ad Lanreacense monasterium deferre ibique in proprio fundo juxta Patrem humare, Bavenbergensis Ecclesia hoc contumeliosum sibi fore judicans non permisit, quinimò convenientissimum & honestissimum & Ecclesiæ illi & Imperio decernens juxta tumbam Imperatoris Henrici, ejus loci fundatoris, qui nuper auctoritate Romanæ Ecclesiæ in loca sancta levatus pro Sancto habetur, regio cultum ejus sepelivit.* Adde ejusdem Chronicon L. 7. cap. ult. Ita & continuator Lamberti Schafnaburgensis ad A. 1152. & Wilhelmus Tyrensis L. 17. historiarum in partibus transmarinis gestarum C. 8. p. 914. ubi: *Conradus apud Bavenberg mortuus est; ubi & magnifice in Ecclesiâ majori sepultus est.* Eandem in sententiam scribunt Theod. Engelhusius in Chronico p. 1102. & Crusius in Annal. Suevic. P. 3. L. 8. C. 11. f. 442. itemque L. 12. C. 35. f. 820. ubi refert quoque versus antiquos, inter quos & ille:

Sed Bambergæ capit Conradi Caesaris ossa,

licet,

raci (h) , sunt , qui Magdeburgi (i) sepul-
B tum

licet , auti mox videbimus , alibi in Monasterio Laureacensi eum sepultum ajat. Maximè verò hîc conferendus est Martinus Hoffmannus in Annalibus Bambergensibus , quos Vir ill. Jo. Petrus de Ludewig in scriptoribus rerum Episcopatûs Bambergensis T. 1. edidit , L. 3. n. 68. col. 125. ubi hæc quidem ille : *Corpus ejus* (nempe Conradi III. Imp.) *Babebergæ sepultura mandatum testantur verba diplomatis Friderici Imperatoris , quibus de donatione Monasterii Altacensis. ita scribit : Tradidimus inquit , Altahe cœnobium sanctæ Babebergensi Ecclesiæ ob nostram & Domini & Patroni & Prædecessoris nostri Conradi Regis in prædictâ Ecclesiâ corporaliter quiescentis jugem & perpetuam recordationem. Idem in alio diplomate obtentum ait Eberhardi Episcopi. Tradidimus illud Ecclesiæ Babebergensi ob memoriam Domini Patruï & prædecessoris nostri Conradi Regis , qui in illâ Ecclesiâ sepultus est. Diplomata verò , ut habentur in actis Babebergensibus , data sunt , illud Aquis IV. Idus Martias A. 1152. indiæ. XVII. hoc Babebergæ III. Non. Febr. anno 1154. indiæ. II. Idem Frisxus in Annalibus Franciæ memorie commendavit , nisi quòd intestina Conradi Eberacum , in monasterium ab illo cumulatissimè auctum translata scribit. Hæc Hoffmannus. Nec negaverimus , Conradum III. Imp. primùm Bambergæ sepultum. Ast ossa ipsius deinceps Laureacum deportata esse ex documentis & monumentis Monasterii , olim quæ existere , prorsus constat , quemadmodum & corpus Philippi Imp. è Bambergensi templo , ubi primùm sepultum erat , Spiram deinceps , memorante Conrado Urspergeni & fragmento Ursilianò ad A. 1208. fuit deportatum.*

tum ferunt. Sed rectè prorsus habent Conradus Urspergensis (k) & Jo. Naucleus (l), qui Laureacensi cœnobio ossa Conradi III. Imperatoris vindicant; licet juxta tumbam Imperatoris Henrici II. Bambergæ primùm recondita fuerint, ubi intestina reposita, corpus ipsum verò Laureacum translatum alii referunt (m). Reperiuntur verò

(h) In hoc monasterium, haud procul Bambergâ situm intestina Conradi translata esse Frisæum referre ex Hoffmanno jam didicimus. Pergit verò Hoffmannus l. c. *Contrarium ab hac sententiâ tenet Jo. Cuspinianus & intestina quidem Babebergæ juxta S. Henricum Imperatorem recondita, corpus vero Ebracensi in cœnobio sepultum asserit.* Idem refert Jo. Trithemius in Chronico Hirsaugiensi ad A. 1152. T. 1. f. 425. edit. San-Gallenlis, ubi de Conrado III. Imp. scribit, quòd in monasterio Ebracensi, quod ipse fundaverat, sepultus fuerit.

(i) Ita hallucinatur Baronius in Annal. Eccles. ad A. 1152. n. 3.

(k) in Chronico ad A. 1152. *Rex vitâ decessit ac in monasterio Loracensi est sepultus.*

(l) in Chronographiâ Vol. 2. generat. 39. p. 758. *Conradus III. Imperator Suevus in monasterio Lorch apud Suevos tumulatus. Cesarei sepulchri honorem & antiquitatem versiculi probi magis quàm elegantes testantur.* Idem referre & Aventinum Hoffmannus l. c. memorat.

(m) Ita habet Chronicon Carionis L. 4. p. 617. Confer

rò & hîc sepulchra Cunradi , Ducis Bavaræ , Judithæ Bavaræ fratris , Gertrudis Imperatricis , uxoris Conradi III. Henrici , Regis Romanorum , Cunradi , Remboldi , Wilhelmi & duorum Fridericorum , filiorum Cunradi III. itemque Beatricis (n) , ejusdem prosapiæ , duorum itidem Fridericorum & Wilhelmi , Friderici I. Barbarossæ filiorum , Irenes (o)

B 2

• porro

hîc prorsus Crusium Annal. Suev. P. 3. L. 8. C. 11. f. 444. & Befoldum l. c. f. 443. ubi ex tabulâ quâdam Monasterii Lorchenfis omnia Corpora ibi sepulta referunt , Tolnerum C. 14. hist. Palatinæ p. 301. & Schatenium in Annal. Paderborn. P. 1. ad A. 1152. Ita certè Crusius l. c. *Cunradus III. Imp. sepelitur in tumulo Fundatoris , in Corpore Ecclesiæ , cujus viscera sepulta jacent Bambergæ.*

(n) Non est hæc Beatrix illa Friderici I. Imp. Conjux , quæ Spiræ sepulta fuit , referente Ottone de S. Blasio l. c. C. 27. & Lehmanno l. c. L. 7. C. 11. neque etiam Beatrix , ejusdem filia , Abbatissa Quintilneburgensis , quæ in monasterio Michelsteinensi sepulta fuit , teste Epitaphio , cujus verba referunt Leuckfeldius in Antiquit. Michelstein. & Kettnerus in der Quedlinburgischen Kirchen- und Reformations-Historie p. 291. sed filia Conradi III. Imp.

(o) De hac Irene Augustâ vel Mariâ Græcâ exstat Oratio Catharinaria Martini Crusii Tubingæ 1597. 4. edita , ubi p. 30. de sepulchro ejus Laureacenfi hoc habet : *Unde ob eadem mariti ab Ottone Palatino , comite*
ce

porrò Philippi Imperatoris Conjugis, Isaacii II. Angeli, Imperatoris Constantinopolitani filiae & Alexii IV. Angeli Imperatoris itidem CP. sororis cum filiae Beatricis, quae vix habitis cum Ottone IV. Imperatore nuptiis defuncta est, reliquiis, quarum epitaphium hoc est, Leoninum illud:

Filia formosa, jam cinis, ante rosa.

Acces-

de Wittelsbach occisi extincta est ipsa & factus, abortione scilicet facta, & de arce Hobenstauffia trans amnem Remsam vecta Lorcham ibi in templo Monasterii magno luctu & splendore est humata. In quo sano familie bnficij Stauffensis conditoris erant tria in choro ante sacramentum, in quorum sinistro tunc Irena corpus depositum fuit. Anno autem 1475. sepulchra Abbate Nicolao de Arberg aperta fuerunt: ossa & calvariae multe reperta, multi etiam flavi crines, eaque omnia communi monumento in medio Templi erecto contenta. Dnces Suevia & Imperatores in columnis pulchre picti. Inter quos Rex Philippus & Irena tabellam altè tenentes, in cuius medio Christus crucifixus, in dexterâ ejus tabellâ alâ Isaaci immolatio, in sinistrâ serpens elevatus Mosi. Hæc Crusius. Ita profectò & fragmentum historicum apud Urstifium ad A. 1208. Regina verò audita ipsius morte & sentiens unicum solatium in eo (quia peregrina erat,) perdidisse, & cum esset prægnans, dolorem dolori cumulans ad Stomp (Stauffen) castrum deducta est cum festinatione, ubi post modicum tempus abortum fecit & sic vitam cum foetu finivit & ad monasterium Lorchæ deportatur & ibi gloriose sepelitur.

Accessere & ossa Reginoldi & Friderici, Ducum Sueviæ, filiorum Philippi Imperatoris, ut sepulchra nobilium de Schechingen & Wöllwarth hîc sita taceamus. Habentur & in hoc templo imagines Imperatorum Suevorum columnis adpictæ, quæ vetustati & injuriæ temporum, nullâ accedente renovatione, vix hodie resistunt (p). Ita verò inde à primis fundati hujus Monasterii temporibus cucurrit Abbatum successio, ut inde à primo Abbate Harberto usque ad Benedictum Rebstockium viginti duo Abbates numerentur (q). Tempore

B 3

belli

(p) Confer Crusii Annales Suevicos P. 3. L. 12. C. 35. f. 818.

(q) Series Abbatum Laureacensium hæc est:

1. Harbertus ab A. 1102. usque ad A. 1124.
2. Crafft creatus Abbas A. 1125.
3. Henricus A. 1159.
4. Fridericus I. A. 1194.
5. Conradus A. 1227.
6. Ulricus I. A. 1251.
7. Gebizo vel Gebzo A. 1284.
8. Fridericus II. A. 1296.
9. Ulricus II. A. 1322.
10. Ludovicus I. A. 1333.
11. Ludovicus II. A. 1360.
12. Volcart de Schechingen A. 1364.

13. Vol-

belli civilis rustici A. 1525. vixit Sebastianus Autenried, Abbas, quo sedente Monasterium combustum fuit, qui & ipse à rusticis occisus fuit. Successit dein Laurentius Abbas, sub quo & reædificatum fuit Monasterium & à Duce Wirtembergiae Ulrico A. 1535. reformatio coepta, quæ, licet tempore belli Smalcaldici tantisper sufflaminata fuisset, tamen deinceps, sedente

13. Volcart, Georgii de Wöllwarth filius A. 1383.
14. Johannes A. 1399.
15. Wilhelmus A. 1412. Huic mitram concessit Felix, Pseudo-Pontifex Basileæ A. 1440. Vide Crusii ann. Suev. P. 3. L. 7. C. 2. f. 372. 373.
16. Volkart de Schechingen A. 1441.
17. Nicolaus Schenck A. 1460.
18. Jodocus A. 1477.
19. Georgius Kerler A. 1480.
20. Sebast. Autenried A. 1510. sub quo Monasterium A. 1525. à rusticis rebellibus fuit combustum.
21. Laurentius A. 1526. Sub hoc Monasterium denuo exstructum fuit & reformatio sacrorum A. 1535. à Duce Wirtembergiae Ulrico coepta.
22. Benedictus Rebstock A. 1549. sub quo à Duce Wirtembergiae Christophoro A. 1556. schola claustralis erecta & reformatio absoluta fuit. Quod restat, annos Abbatum paulò aliter ponit Crusius annal. Suev. P. 2. L. 9. C. 2. f. 308. 309. qui & C. 18. f. 364. 365. reliquias Lorchenenses recenset.

dente Abbate Benedicto supra jam nominato A. 1556. ab Optimo Duce Christophoro fuit absoluta, ita, ut Monasterio huic dein præfuerint Abbates Evangelici, quorum hæc series est: Georgius Udal A. 1563. M. Abel Vinarius sive *Weinlin* A. 1577. M. Jacobus Magirus A. 1602. D. Melchior Nicolai A. 1625. M. Jacobus Grab A. 1627. M. Jo. Jacobus Albich, qui tempore bellitricennalis Monasterio ejectus fuit, reductus è Monasterio San-Blasiano Monachis Benedictinis, id quod factum A. 1630. ita, ut, licet anno insequente Monachi à Suecis rursus expellerentur, tamen iidem post cladem Nordlingensem Monasterium denuò occuparent, donec tandem & hæc Abbatia in pace Westphalicâ, pro quâ immortales gratias Deo O. M. jugiter agimus, religioni veræ prorsus fuit restituta. Post pacem Westphalicam Abbates hi Monasterio præfuere Wendelinus Büllfinger A. 1650. Jo. Jacobus Mullerus A. 1662. Jo. Christoph. Hingher A. 1669. Christoph. Wölflin A. 1672. Joachimus Martini A. 1683. Georgius Burckhardus Knebel A. 1699. Michaël Foertsch

Foertsch A. 1703. Jo. Wendelinus Bülffinger A. 1705. & denique inde ab A. 1713. usque annum præteritum Christophorus Zellerus, quem defunctum adhuc lugemus (r), ita ut inde à fundato Monasterio usque ad hæc tempora vixerint 37. hujus Monasterii Abbates. Ipsum ædificium, uti jam dicere coepimus, recentius est; post incendium à rusticis priori illatum demùm ædificatum, uti inscriptio docet, cujus verò postrema verba vetustas delevit.

Post Christum ut natum ter secula quina ab-
iere,

Vicenis quintus cùm insuper annus erat,
Et sexto Nonas Maji, terribile dictu,

Plangendum lachrymis luctiferisque modis,
Cænobium hoc flammis vastavit rustica tur-
ba (s).

Etsi

(r) Huic anno præterito d. 17. Sept. ex mandato Serenissimi Ducis nostri EBERHARDI LUDOVICI, quem Deus amet! nos successimus fidelitatisque juramentum hoc ipso anno Ludoviciburgi d. 16. Februarii præstitimus.

(s) Confer Crusii Annales Suev. P. 3. L. 12. C. 35. f. 818. itemque L. 10. C. 14. f. 593.

Etſi autem hujus Monasterii Advocati primùm exſtiterint ipſi Imperatores Ducesque Suevi, Advocatia tamen ab ipſis Monachis A. 1291. fuit tradita Eberhardo, Wirtembergiæ tùm Comiti (t), cujus ſucceſſores dein juſ hoc advocaticum ſuperioritate territoriali fœcundum retinuerunt uſque ad tempora reformationis, ubi A. 1556. ſacra mutata fuere, ita tamen, ut ultimo Abbati Pontificio Benediſto honeſtum fuerit datum viſtalitium, donec tandem A. 1563. diem obiit, nec bona tamen Monasterii ad ſeculares uſus ſed ſacros eoſque præſtantiores fuerint deſtinata, dominiumque Ducum Wirtembergicorum, quod jam antea Ipſis cum jure ſacrorum competeſbat (u), in pacificatione religio-

C fã

(t) Vide Crufii Ann. Suev. P. 3. L. 3. C. 11. f. 176.

(u) Conferatur ill. Bidenbachii Gründlicher Beweis, daß die Prälaten und Klöſter des Herzogthums Wirtemberg vor 90. 100. 150. 200. und mehr Jahren zu dem Land und Herzogthum Wirtemberg gehörig geweſen, der Herrſchaft und des Fürſtenthums Prälaten genannt und für unzertrennliche Glieder und Stände des Lands gehalten worden, in die Landtheilungen kommen, die Herrſchaft in Wirtemberg für ihre rechte Herrn erkannt und geëhrt, vor denſelben Recht gegeben und genommen, Erböldigung geleiſtet, zu allen Landtügen beſchrieben worden in

fâ & Westphalicâ (x) ipsis fuerit solenniter confirmatum. Mirum hinc, venisse hodie Pontificiis in mentem, ut documenta ista Monasteriorum Wirtembergicorum rediviva, quæ Befoldus (y) edidit, Viennæ prælo

in Bestell- und Verwaltung des Regiments und andern muneribus, functionibus und der Herrschaft und dem Land angelegenen Consultationibus mit gemeiner Landschafft von Städten und Aemptern als Mitverwandte participirt und in allen Anlagen und Landsbeschrwerden mit gehet und gelegt haben, und demnach die jezige neuerliche Innhaber sich ganz vergeblich und ohne einig Fundament einer Immedietat anmassen und vermeessentlich für ungemittelte Reichsverwandte oder Ständ ansswerffen und einbringen wollen, auß solchen der Zeit fürhandenen unververflichen schriftlichen Documentis ohne alle Passion zusammen getragen. 1645. 4. item an die Röm. Kayf. Maj. allerunterthänigste Anzaig und Bitt Anwalds Herzog Eberhards zu Wirtemberg auff ein von den Innhabern derrer in Wirtemberg gelegenen Clöster und Stifftern per sub-
E obreptionem aufgewürktes verschlossenes Monitorium 1641. 4. Habetur verò jam horum libellorum satis hætenus rarorum editio recentior eademque auctior. Quod restat, de jure Principum Germanie, cumprimis Saxonie, circa sacra ante tempora reformationis exercito egregie scripsit Jo. Georg. Reinhardus. Halæ Magd. 1717. 4.

(x) Vide instrum. pacis Osnabrug. art. 4. §. 24. ubi ipsum quoque Monasterium Lorch nominatim exprimitur.

(y) Christoph. Befoldus, Advocatus primùm Dicastrii Tubingenfis, postea Juris in hac Universitate Pro-

lo reddiderint. Perorata enim dudum per
pacem Westphalicam causa jam est, sed &

C 2

jus

Professor Ordinarius cum post cladem Nordlingen-
sem existimasset, res Protestantium penitus labefa-
ctatum iri, Pontificiis, licet religionem Romanam
in *signis temporum* Tübingæ 1614. 4. editis atro pror-
sus colore depinxisset, accessit, & permissu Impe-
ratoris Ferdinandi II. omnia documenta Mona-
steriorum, quæ in Ducali exstabant Archivo,
quod ipsi tunc patebat, eruit, cum Monachis
communicavit & luci deinceps tradidit. Nata
hinc primò ipsius *Prodromus vindiciarum Ecclesiasti-
carum Wirtembergicarum sive succincta, in compendium
redacta demonstratio, quòd Monasteria in Wirtembergiâ,
quæ Imperator D. Ferdinandus II. jure & armis Deo &
Ecclesie restituit, sint libera & à Ducum jurisdictione im-
munita*, deinceps etiam documenta rediuviva Monaste-
riorum præcipuorum in Ducatu Wirtembergico sitorum,
qui libri Tübingæ 1636. 4. prodire & Viennæ
nunc in folio recusa exstant. Ipse deinceps fidem
Pontificiam professus Consiliarius Imperatoris &
Electoris Bavariz, itemque Professor Juris in Aca-
demiâ Ingolstadiensi creatus fuit, in quâ & obiit A.
1638. Causas apostasiz enarravit in libro, cui ti-
tulus: *Christlich und erhebliche Motiven, warum Chri-
stoph Befold, beeder Rechten Doctor, hievor bey
der Fürstlichen Wirtembergischen Universitz zu
Tübingen, nun aber in der Chur-Fürstlichen
Bayerischen Academie zu Ingolstatt Professor vor-
nemlich dafür gehalten, daß der rechte und einzig seelig-
machende Glauben allein in der Römisch-Catholischen Kir-
chen anzutreffen, derenthalben er auch auß eigenem Trieb
seines Gewissens und zu Entziehung ewiger Verdammnis
zu solcher alten Catholischen Kirche sich begeben und all-
ande-*

jus Serenissimorum Wirtembergiæ Ducum
in Monasteria hæc ita inde ab antiquis tem-
poribus fundatum, ut, cùm jurisdictionem &
civi-

andere neu aufkommende Setzen oder Lehren verlassen hat.
Ingolstatt 1637. 8. Motiva autem hæc refutavit
Tobias Wagnerus, postea Cancellarius Tubingen-
sis in libro, cui titulus: *Evangelische Censur der ver-*
meinten Motiven, warum D. Christophorus Besoldus
sich von der Evangelischen Kirchen Augsburg. Confession
gewendet und zum Papstthum getreten. Tübingen 1640.
8. Cui refutationi sanè quàm præstanti Henricus
Wagnerekius, Jesuita & Cancellarius Dillingensis
opposuit *Catholische Gegen-Censur, das ist, Rettung der*
Besoldischen Motiven wider die vermeinte Censur D. Tobia
Wagneri. Ingolstatt 1644. 8. Sed à Wagnero reposi-
ta fuit *Evangelische Theologia Patrum, entgegen gesetzt der*
gerühmten Catholischen Gegen-Censur D. Henr. Wagne-
recks S. J. über die Religions-Motiven D. Christoph.
Besoldi. Ulm. 1647. 8. Quid verò olim & ipsi Be-
soldo in religione Romanâ displicuerit, vide ex ipsius
discurs. polit. sing. de informat. & coact. subditorum
diff. 1. C. 10. p. 81. sqq. Quod restat, de Besoldo velim
conferri laudatissimi Wagneri examen elencticum
Atheismi speculativi p. 83. 84. ex quo emendandus
venit Arnoldus in der Kirch- und Kezer-Historie T.
2. L. 17. C. 3. §. 1. f. 451. Caroli Wirtembergische Un-
schuldp. 3. C. 6. §. 1. p. 417. sqq. itemque Fischlini,
Pastoris hodie apud nos Kaltenwestensis memoriam
Theologorum Wirtembergicorum P. 3. p. 172. sqq.
ex quibus emendari potest beati Speneri historia Pie-
tismi §. 9. p. 19. quam & hîc sequitur Arnoldus l. c.
L. 17. C. 6. §. 8. f. 480. J. H. ab Elſwich epist. fami-
liar. Theol. p. 198. 199. & Jo. Henr. à Seelen Phi-
localiam epistolicam p. 131. sqq.

civilem & criminalem, jus item venationum, hospitationum, operarum servilium & ejusmodi in hisce Monasteriis dudum exercuerint, cum eadem quoque tributa Iisdem solverint, cum Abbates inter status provinciales locum præcipuum obtinuerint, cum superioritas territorialis Ducum Wirtembergiæ & in hæc Monasteria in legibus Ducatûs Wirtembergici fundamentalibus omninò fundata sit, cum denique & jus sacrorum, quod Ducibus Wirtembergicis competit, & jus sacra quoque ad verbum divinum reformandi prorsus secum trahat, quæ omnia dudum demonstrata à nostris fuere (z), plurimum utique ineptiat, qui armis dudum obtusis contra nos pugnare atque argumenta dudum elisa & refutata repetere sustinuerit. Interim, cum facile sit, providere, quâ fiat, ut maligni isti libri Besoldiani denuò imprimantur, nostrum est, Deum suppliciter orare, ut Ecclesiam suam contra quævis adversariorum molimina tueatur, ut res causamque Protestantium suo divino auxilio suffulciat, ut pacem Westphalicam, quam tanquam insigne

C 3

pro-

(z) Vide supra notam (u) p. 17. 18.

providentiæ & gratiæ divinæ pignus exosculamur , fartam nobis tectamque conservet , ut vulnera causæ nostræ illata sanet , ut & quàm maximè nostris Principibus animum magnum & fortem ad defendendas veræ Ecclesiæ partes summamque in tuendâ & profitendâ veritate Evangelicâ constantiam coelitùs largiatur , atque pericula humeris nostris incumbentia à nobis clementissimè avertere dignetur. Et faciet id quidem Deus rebusque nostris incolumitatem porro & felicitatem adjiciet , si præstantior evadat virtus & pietas nostra , si sanctius verbum Ipsius porro habuerimus , si penitiùs in mandatis Ipsius ambulaverimus , si scandala quævis , quæ rem Christianam corrumpunt , sustulerimus , si fervor , si studium veritatis & pietatis apud nos creverit , si digna sint Evangelio nostra , quæ præstamus , opera. Videtis , ad quid jam divinitùs vocemini , qui ad sanctiora subsellia mox properabitis , *præstantissimi Domini Candidati*. Vestrum jam erit , ita animos vestros , ita mores componere & formare , ut in Ecclesiis , ut in gregibus sacris Deo dicatis iste finis , quem
inten-

intendimus , obtineatur. Vestrum erit , in tales Dei Viros evadere , qui & doctrinâ & sanctitate fulgeatis & quorum precibus benedictio & gratia divina impetrari possit. Agite modò , & res vestras , Deo juvante , egregiè agite , & longè adhuc præstantior , imò infinitis modis præstantior olim vos manebit laurea , ac ista est , ad quam nunc , finitis vestris humanæ sapientiæ studiis , contenditis. Sed nec hanc quoque vobis jam denegaverim atque difficilem reddiderim Cancellarius egomet , maximè , cùm à Spectatissimo Domino Decano vestro mihi tam luculenter fueritis commendati & colaudati. Itaque , ut ad rem ipsam mox progrediar , ad Te jam vela orationis meæ dirigo , *Vir maximè Reverende , Amplissime & Excellentissime , Domine JO. CHRISTIANE KLEMMI , Philosophiæ Magister , S. Theol. Professor publicæ extraordinariæ , linguarum verò Græcæ & Hebrææ Ordinariæ longè celeberrime , Amplissimæ Facultatis Philosophicæ Decane spectatissime atque ad hunc actum legitimè constitute Promotor , Domine Fautor & Affinis honoratissime , &* quod

quod felix faustumque, quod Deo gratum,
 quod Ecclesiæ, quod Reipublicæ literariæ,
 quod almæ huic Universitati Academicæ,
 quod Amplissimæ Facultati Philosophicæ,
 quod vobis denique, *doctissimi Domini Can-*
didati, honorificum & salutare sit, ego
 Universitatis hujus Cancellarius, CHRI-
 STOPH. MATTHÆUS PFAFFIUS Tibi,
Vir spectatissime, amplissimam facultatem
 largior, præstantissimis hisce Dominis Can-
 didatis, quorum nomina in programma-
 te publico exscripta video, tam absentibus
 quàm præsentibus lauream secundam h. e.
 summos in Philosophiâ honores cum omni-
 bus privilegiis huc pertinentibus conferendi
 eosque in Doctores & Magistros Philoso-
 phiæ & bonarum artium evehendi creandi-
 que, id quod facio autoritate, quâ ut Can-
 cellarius fungor, publicâ, ab Imperatori-
 bus concessa & confirmata. Faxit Deus
 O. M. ut & hæc promotio in ipsius gloriam
 bonumque Ecclesiæ & rei literariæ pu-
 blicum, Ipso benedicente,
 evalescat.

D I X I.

Österreichische Nationalbibliothek



+Z166501008

